

Na osnovu člana 88. i 89. Zakona o javnim nabavkama ("Službeni glasnik BiH" br. 39/14), nakon provedenog postupka direktnog sporazuma za nabavku robe i Odluke dekana o direktnom sporazumu za nabavku roba: "HTZ oprema i radna odjeća", broj: 04-1-42-19-5/18 od 16.05.2018. godine,

**Građevinski fakultet Univerziteta u Sarajevu**, ul. Patriotske lige br. 30, 71000 Sarajevo, ID: 4200287770000, kojeg zastupa dekan: prof. dr Mustafa Hrasnica, dipl. inž. građ. (u daljem tekstu: Kupac)

i  
**"KIMEEL" d.o.o. iz Sarajeva**, ul. Džemala Bijedića br.182, 71000 Sarajevo, ID: 4201509550000, kojeg zastupa direktor Muhamed Mizdrak (u daljem tekstu: Dobavljač), zaključuju

## UGOVOR o nabavci roba

### PREDMET UGOVORA

#### Član 1.

Predmet ovog Ugovora je nabavka roba: "HTZ oprema – radna odjeća, posebna radna oprema i pribor", za potrebe Kupca po Ponudi Dobavljača broj: 18-010-001107 od 12.04.2018. godine, evidentiranu kod ugovornog organa pod brojem 04-1-42-19-3/18 od 12.04.2018. godine, koja je sastavni dio ovog Ugovora.

### PRAVA I OBAVEZE UGOVORNIH STRANA

#### Član 2.

Kupac se obavezuje da će od Dobavljača kupiti, a Dobavljač se obavezuje da će Kupcu prodati i isporučiti robu iz člana 1. ovog Ugovora.

Dobavljač se obavezuje da će kupcu prilikom isporuke robe iz člana 1. ovog Ugovora, isporučiti robu marki i karakteristika koje je naveo u ponudi iz člana 1. ovog Ugovora, a po veličinama koje će dostaviti Naručilac u roku od tri (3) dana po potpisivanju ovog ugovora..

#### Član 3.

Dobavljač se obavezuje da će Kupcu isporučiti robu iz člana 1. ovog Ugovora u roku od 15 dana od dana potpisivanja ovog Ugovora, na mjesto isporuke Fco skladište Kupca, svojim dostavnim vozilom. Preuzimanje robe će potpisati predstavnici ugovornih strana koje odrede ovlaštena lica ugovornih strana.

Eventualne reklamacije robe u pogledu količine i kvaliteta uvažavaju se u roku od 7 (sedam) dana od dana preuzimanja, a na osnovu pisanog zahtjeva.

### CIJENA I NAČIN PLAĆANJA

#### Član 4.

Ukupna vrijednost robe iz člana 1. iznosi 5.214,95 KM bez PDV, (slovima: pet hiljadad vijestotine četnaest 95/100 KM), odnosno 6.101,49 KM sa PDV-om, (slovima: šest hiljadastotinjedna 49/100 KM).

#### Član 5.

Ugovorne strane saglasne da se plaćanja ugovorene robe iz člana 1. ovog Ugovora vrši avansno, po ispostavljenom predračunu, putem transakcijskog računa Dobavljača broj: 3386902231778443 kod UniCredit Bank dd Mostar, pozivom na broj ovog Ugovora.

### OSTALE ODREDBE

#### Član 6.

Ukoliko dođe do bilo kakvog odstupanja od ugovorenog kvaliteta robe, roka isporuke ili cijene, kupac zadržava pravo jednostranog raskida ovog Ugovora.



#### Član 7.

Dobavljač nema pravo zapošljavati, u svrhu izvršenja ugovora o javnoj nabavci, fizička ili pravna lica koja su učestvovala u pripremi tenderske dokumentacije ili su bila u svojstvu člana ili stručnog lica koje je angažirala Komisija za nabavke, najmanje šest mjeseci po zaključenju ugovora, odnosno od početka realizacije ugovora.

#### Član 8.

Ugovorne strane saglasne su da će eventualne sporove u pogledu primjene odredaba ovog Ugovora riješiti sporazumno, a ukoliko to ne bude moguće nadležan je Općinski sud u Sarajevu.

#### Član 9.

Ovaj Ugovor je sačinjen u četiri (4) istovjetna primjeraka, od toga Kupcu pripadaju dva (2) primjerka, a Dobavljaču dva (2) primjerka ugovora.



#### Član 10.

Ugovorne strane saglasne su da je u odredbama ovog Ugovora sadržana njihova stvarna volja, te u znak prihvatanja prava i obaveza koja iz ugovora proizilaze ga potpisuju.  
Na sve što nije regulisano ovim Ugovorom primjenjuje se Zakon o obligacionim odnosima.

Dobavljač:

"KIMEEL" d.o.o. iz Sarajeva

DIREKTOR

  
Muhamed Vrdra  


Broj: 15/2018

Datum: 22.05.2018.

Kupac:

Građevinski fakultet Univerziteta u Sarajevu

DEKAN

  
prof. dr. Mustafa Hrašić, dipl. inž. građ.

Broj: 04-1-42-19-6/18.

Datum: 17.05.2018.